

祥異志

事有反其常者皆異也不獨災為異即祥亦異也故  
事莫大於敬天春秋二百四十二年之間書災異者  
一百二十有二凡以志變也或水旱風霜山崩地震  
以及虎豹螟蝗等屬反常皆為災害敬之或志祥異  
祥異

異

永樂庚子年邑南池開並頭蓮有異香次年張瑄登

進士第

岳陽縣志

卷之九

祥異

聖

天順五年歲大稔

嘉靖十三年禾稼枯稿老幼相食

嘉靖三十七年地震有聲

隆慶二年大饑流移載道

萬曆四年大風折木

萬曆六年七月隕霜殺禾

萬曆八年九月地震有聲

萬曆十四年大荒野有餓殍

萬曆三十一年水雹傷禾

萬曆四十二年澗水大漲沒地甚多

萬曆四十五年蝗虫食穀歲饑

萬曆四十六年歲大饑

天啟四年沁澗水俱漲田地多成河渠

天啟五年四月地震

崇禎二年三月地震

崇禎十年十一年並十三年十四年連遭饑饉黎民

餓死大半

順治二年三月飛蝗食禾兼蚳蚘食豆菜大饑

古陽縣志

卷之九 祥異

四

順治九年九月各處水漲上下川中衝地數千頃

順治十年澗河大泛衝地

順治十七年三月隕霜殺禾五月水雹大風拔樹將

農器吹至空中

康熙十七年秋雨傷穀

康熙二十二年旱

康熙二十五年六月大風拔樹屋瓦飄落

康熙三十年自正月至六月不雨夏麥盡枯六月中

旬降雨播穀播穀之後飛蝗入境繼遭蝻子遍山遍

野綠苗一空縣官廩振先報荒士庶上府具呈崇本  
守元善轉詳 撫憲具

題捐賑將本縣錢糧每兩免銀壹錢四分次年錢糧寬  
至秋季開徵又撥五台崞縣二處米共運到縣一千  
一百有餘石一面設粥一面給散貧丁一次折米價  
銀二千二百八十兩每丁分銀四錢一分一次折米  
價銀二千四百九十四兩每丁分銀四錢八分一次  
折米價銀一千二百兩公費用訖三十一年二月知  
府親臨賑濟四月內奉

旨差戶部郎中兵部員外兵科給事等官到縣查荒

康熙三十四年四月初六日地震房屋倒塌人畜壓  
死無數東池堡尤甚蒙 上賑濟棺木銀兩每戶一大  
口給銀一兩每一小口給銀八錢

康熙三十五年隕霜殺禾

康熙三十六年隕霜殺禾較前更甚

康熙三十七年春饑米價騰貴野有餓殍

康熙三十九年澗水泛漲衝沒城外水地

康熙五十五年六年猛虎爲災

康熙五十九年本縣自六月至九月不雨秋苗悉枯  
知縣方遠申文報荒九月中旬落雨播麥自播麥後  
三冬無雪麥種仍枯民有憂色

康熙六十年本縣自正月至六月不雨二麥不收系  
圍邑士庶報荒蒙

皇恩發倉借賑每丁給穀二斗給銀九分六厘一次賑銀  
七百五十兩每丁給銀一錢七分一次賑銀八百八  
十兩一次賑銀一千七百八十兩量米分給饑民  
米價每石騰貴七兩百姓流移載道塗有餓殍六月

二十九日都察院三縣查荒賑濟

康熙六十年秋內地五穀穡生茂穡大熟民賴存活  
康熙六十一年秋仍大旱百姓饑饉子死亡流離  
雍正八年夏猛虎爲災傷二十餘人

兵氛

小民久享太平之福目不睹兵革安知鋒鏑殺之  
慘然而安居慮危防患未然之道不可不寓目於心  
也視昔度劉之變用深履水之戒志兵氛  
天啟三年叛兵八十餘人突至北鄉掠官兵追去

崇禎五年至七年流寇盤據山中國鄉殺掠無盡  
崇禎八年至十年大賊過河遺零賊盤居岳邑搶擄  
崇禎十七年寇兵詐入城中劫掠  
順治三年寇兵破城殺官  
順治六年夏大風拔樹揭瓦寇兵圍縣安民堡十日  
官兵解圍後寇兵復至人皆棄堡逃竄寇兵搶掠堡  
寨是年城破兩次

